



ATASSUT

UKA 2016/94-1

Siverth K. Heilmann

22. 09. 2016.

Tikeraat ornittagaannik takornariartitsivinnilu pilersitsineq ingerlatsinerlu pillugit inatsisartut inatsisaat nr. xx, xx. xxx 2016-imeersoq.

(Inuussutissarsiornermut, Suliffeqarnermut Niuernermut Nunanullu Allanut Naalackersuisoq)

Naalackersuisut Tikeraat ornittagaannik takornariartitsivinnilu pilersitsineq ingerlatsinerlu pillugit inatsisartut inatsisissaattut saqqummiussaas pillugu imatut naatsumik ATASSUT-miit oqaaseqarfigissavarput.

ATASSUT-miit isumaqataalluinnarpugut inatsisartuni Naalackersuisuniillu anguniarneqartuartariaqartoq, takornariartitsinerup inuussutissarsiutitut Kalaallit Nunaanni aningaasarsiornermi sukarsuit nappataasut ilagilissagaat. Tikeraat ornittagaannik pilersitsiortornitsigut qularnaassavarput takornariartitsiviit takornarianit tamanit aningaasarsiornikkut kaaviaartitat annertunerulernissaat aammalu inuiaqatigiit suliffissaqarnerulernerisigut aningassarsiornerallu qaffassarneqarnissaat.

Ilumoorpoq nunani allani misilittakkat tikeraat ornittagaat qitiulluinnartartut takornarianit ornigarluarneqartartunik, taamalu pingaaruteqarluinnartarlutik takoqqusaarutitut tikeraanillu misigisassarsiorniartunik aggiasoqarluarnissaanut ussassaarisarneq. Taamaattumik nunatsinni immikkuullarilluinanartunik peqarnerput aallaavigiuartariaqarparput, nunanimi allani, pitsaaqutit sannguequtillu ilanngullugit

naleqqussarfigineqartarnissaat inerisaanermilu sulilu sumiiffinni assigiinngitsuni aningaasaleerusussutsip pilerinarsartuarneqarnissaa suliassaavoq pingaarutilik.

ATASSUT-miit nunatsinni takornariaqarnerup appariartuleraluarsimanera kingumut qaffariartoqqilernissaanut isumalluarfigeqaarput, tassami Naalakkersuinikkut minnerunngitsumillu inuussutissarsiortut kommuunet inuillu ataasiakkaat pilersitsinissamik aningaasaliinissamillu siunertaqartut, soorlu taamaattoqareersoq, suli ilorraap tungaanut ingerlanissarput ineriartortitsinissarpullu qularutigineqassanngilaq.

Inatsisissatut Naalakkersuisuniit saqqummiunneqartoq peqqissaarullugu sularisariaqarparput taamaattumillu aamma tusarniaanermi uparuaatigineqartut nalilersorneqarnissaat ATASSUT-miit pingaartillugu suliap aappassaaneerneqannginnermini ataatsimiititaliami susassaqartumi suliareqqaarneqarnissaa inassutigissavarput.